


شهادة من أحد الطلاب المعتدى عليهم في ترحيلة الطلبة من سجن الحضرة لسجن برج العرب



الجمعة 24 يونيو 2016 01:06 م

شهادة من أحد الطلاب المعتدى عليهم في ترحيلة الطلبة من سجن الحضرة لسجن برج العرب (الجمعة 17 يونيو 2016) :

نزلنا من عربية الترحيلات وبندينا على خير من غير مشاكل ، دخلنا السجن ، كل واحد حط حاجته وبدأ التفتيش ، عددنا كان 34 طالب ، كان في مخبر بيمرنا ويحب يعمل مشاكل أكثر من غيره ، اسمه "حسن الونش" ، كنا متفقين على إن واحد منا يكون مسؤول عننا ، وكان هو الوحيد الي بيتكلم منا ويهدّي الجو ، وكان حسن الونش ده بيستفزنا ويهددنا وبيطول لسانه علينا واحنا ساكتين مش بنرد ، وبعد وصلة طويلة من الاستفزاز وصلنا للتشبيه " التتميم على الأسامي" وجه على اسم منا نادي عليه ، فرد "أبوة" .

الكلمة معجبتش ظابط نظام كان واقف فقام مزعق وقال الاحترام مينفعش معاكم وسحب بعيد عنا ، ولما المسؤول عننا قرب عشان يتفاهم معاه زعلنا وقال "كله يرجع ورا" ، وشوفنا زميلنا بيتأخذ بعيد وبيتضرب من مخبرين ، فكلنا احتجينا وزعلنا فقالولنا " خلاص اهدوا الموضوع هيخلص" ، في الوقت دة على طول كان نائب الأمور جه ، ومعاه قوة أمن مركزي و زميلنا اختفى ، سألنا نائب الأمور عن مصير زميلنا فرد علينا "هيروح التأديب والي مش عاجبه فيكم يقفلي على جنب" .

فهجموا علينا امن مركزي ومخبرين وبعد كدة شوايشة وحتى نباطشية ومساجين من عنابر تانية كلهم بعصيان وشوم كأنهم بيتنقموا، والي يقع منا يتلوموا عليه زيادة، طلعنا نجري في السجن لجوة من كتر الضرب وهم بيجروا ورانا، وكل الي يشوفنا في السجن يسحب شومة ويطلع يجري ورانا من كل حطة ، واحنا أصلا مش عارفين نروح فين ، وفضلنا نجري لغاية ما قربنا من مجموعة "هو" الي حوالها سور ، والي فيها عنابر السياسي، لقيناها قافلين باب المجموعة وعملوا علينا كماشة عند سور المجموعة، كلنا قعدنا في الأرض من التعب والانفعال ونزلوا فوقنا بالشوم والعصيان وكل الي منهم يضرب فينا زيادة ، وهم بيضربونا سحبوا منا خمسة تانيين للتأديب على طريقة فيلم الأرض بالظبط ، مسحوا بيهم السجن وضربوهم ضرب مشوفتوش قبل كدة ، وكان من الي ييضربونا ظابط نظام اسمه " البنهاوي" وسحبوا الـ 28 وأنا منهم بالضرب لحد الناحية الثانية لعبر الإجراء